

Mary Joan Foundation cu un logro importante pa Aruba y Caribe



trainer" aki. Na final di e curso, e peluca nan a worde evalua y asina tur dos a worde certifica riba e tecnica aki.

Mary Joan Foundation ta gradici gobierno di Mexico pa a financia e curso y haci posibel cu dos miembro di Directiva por a worde certifica como "train the trainer". Dr. Carlos Ramos Esquivel, - Secretario di salud di Estado di Michoacan, Presidente di e programa di Voluntariado di Morelia licenciada, señora Patricia Tello y e Coordinador di e tayer di peluca y banco di cabey, señora Maria Dolores Maldonado Bautista hunto cu su team pa nan dedicacion y ayudo pa haci e logro aki posibel.

E perdida di cabey durante tratamiento di quimioterapia por ta traumatico pa e pashent y por bira un factor negativo pa su recuperacion.

Segun experto nan, e aspecto fisico tambe ta contribui positivamente pa recuperacion di e pashent. Un peluca oncologico ta di gran apoyo pa su autoestima y bienestar emocional.

Como 30% di e peluca oncologico artesanal ta worde cosi na machine y 70% ta worde traha na man. Un peluca traha di cabey humano por tin un balor entre 1000 pa \$1.500 riba mercado. Mirando e costo aki e lo por ta un peso grandi pa mayoria pashent di Aruba y Caribe en general.

Mary Joan Foundation awor tin dos persona capacita cu lo por train nan voluntario nan, pa traha peluca. Asina e peluca oncologico artesanal lo worde entrega gratuitamente na persona c uta sufrí di e malesa di cancer. E meta di Mary Joan Foundation ta pa pone un sonrisa riba cara di e pashent nan y asina hisa nan animo y autoestima na un manera positivamente. Na momento cu un persona worde detecta y prome cu e bay cuminsa cu su prome tratamiento di quimioterapia, si su cabey ta suficiente largo e



por haci donacion di su propio cabey y asina parti di su mesun cabey lo worde usa pa traha su propio peluca. E proyecto lo carga e nomber "Un peluca Un sonrisa" y lo bay consisti di diferente fase. Nos lo cuminsa cu e prome fase cu ta pa colecta cabey. Pa asina por tin suficiente cabey den e banco, pa traha peluca y tambe pa tin continuidad di e proyecto.

E deseo di Mary Joan Foundation y di Estado di Michoacan ta pa exporta e peluca nan den nos region di Caribe. Cu e experticio adkiri na dicho estado nos lo por alcanza e deseo aki. Mary Joan Foundation kier gradici tur persona cu a deposita nan confianza caba y a haci donacion di cabey durante ultimo aña nan.

Nos kier a encurasha un y tur den nos comunidad pa nan tambe haci donacion di nan cabey pa nos proyecto "Un peluca Un sonrisa".

Exigencia pa por haci don-

acion di cabey: (*) Cabey mester tin un minimo di 15 cm largo. (*) Ora di corta e cabey pa donacion e mester ta laba. (*) E cabey por worde corta na un pelukeria cu ta registra pa cu e proyecto. E pelukeria lo entrega e cabey na Mary Joan Foundation. Si corta e cabey na pelukeria cu no ta registra, e persona mes mester bin entrega e cabey na oficina di Mary Joan Foundation. Pelukeria nan cu ta desea di participa den e bunita proyecto por tuma contacto cu Mary Joan Foundation, number di telefon 588-9999 of email maryjoanfoundation@setarnet.aw. Nan lo ricibi un box pa deposita e cabey den dje.

Mary Joan Foundation ta gradici comunidad di Aruba di antemano pa nan bunita colaboracion pa cu e proyecto y ta spera di por conta cu e sosten di e pelukeria nan pa realisa e bunita proyecto "Un peluca Un sonrisa".

ORANJESTAD (AAN): Recientemente dos representante di Mary Joan Foundation, den persona di señora Arabella Colina y sr. Jose Tromp a ricibi nan certificacion como instructornan capacita pa traha peluca oncologico artesanal cu cabey humano.

Den luna di juni e dos representante nan a biaha pa ciudad di Morelia, Mexico pa por a

worde certifica. Como condicion pa por a tuma parti na e curso nan mester a pasa un proceso psicologico. Durante e curso nan a traha un peluca, bou di guia di instructor nan autorisa pa duna e "train the